

গোধূলি

দু'পাশে বাগান নিয়ে হেঁটে যায় নদী
প্রতি তীর শস্যের রমনে তার খুলে ধরে বুকের বিন্যাস
খিড়কি - আকাশ খুলে পাখিরা প্রত্যেকে
গ্রাম-কুটুমের ডাকে নীচের আরসি-জলে খুলে ফেলে প্রতিবিশ্ব তার

শুকনো - শিমূল একা শ্মশানে বাড়িয়ে হাত- ডাকে-
ছোটো শিশু; বালি খুঁড়ে জল তুলে আনন্দে লাফায়,
ওদিকে নদীর ঘাটে আদিবাসী মেয়ে
শাড়িতে জড়ানো তার সরু রোদ নিয়ে
কোমরের ছন্দ- তালে পায়ে পায়ে চলে যায় জীবনের কাছে,

উড়ন্ত দিনের পাখি দারণ বিরহে তার আলোকের পালক হারায়।

আদিত্য মুখোপাধ্যায়